



গণপ্রজাতন্ত্রী বাংলাদেশ সরকার

তথ্য অধিদফতর



PRESS INFORMATION DEPARTMENT. GOVERNMENT OF THE PEOPLE'S REPUBLIC OF BANGLADESH

তথ্যবিবরণী

নম্বর-০১৮

পবিত্র আশুরা উপলক্ষ্যে আরএমপি'র নিষেধাজ্ঞা

রাজশাহী; ১১ শ্রাবণ (২৬ জুলাই):

আগামী শনিবার ১০ মহররম (২৯ জুলাই) পবিত্র আশুরা। আশুরা উদ্‌যাপন উপলক্ষ্যে রাজশাহী মেট্রোপলিটন এলাকার ধর্মীয় সমাবেশ/তাজিয়া মিছিল নির্বিঘ্নে চলা নিশ্চিত করতে নিষেধাজ্ঞা আরোপ করেছে রাজশাহী মেট্রোপলিটন পুলিশ (আরএমপি)। আজ বুধবার (২৬ জুলাই) আরএমপির এক আদেশে এ নিষেধাজ্ঞা জারি করা হয়।

আদেশে, পবিত্র আশুরা উপলক্ষ্যে ওই দিন রাজশাহী মহানগর এলাকার শান্তি-শৃঙ্খলা রক্ষার নিমিত্তে আতশবাজি, পটকা ফুটানো-সহ অন্যান্য ক্ষতিকারক দ্রব্য ব্যবহার, হিংসাত্মকভাবে আঘাত করার উদ্দেশ্যে অস্ত্রশস্ত্র, তলোয়ার, বর্শা, বন্দুক, ছোরা বা লাঠি, বিস্ফোরক দ্রব্য ও অন্য কোনো ক্ষতিকর দ্রব্যাদি বহন নিষিদ্ধ ঘোষণা করা হয়। এছাড়া গণউপদ্রব সৃষ্টি করতে পারে এমন অতি উচ্চ শব্দ জনিত মাইক/স্পিকার ব্যবহার নিষিদ্ধ ঘোষণা করা হয়েছে।

উক্ত সময়ে আইন অমান্যকারীদের বিরুদ্ধে যথাযথ আইনানুগ ব্যবস্থা গ্রহণ করা হবে বলে আদেশে উল্লেখ করা হয়।

.....
তৌহিদ/সিকান্দার/রুহুল/হালিম/২০২৩/১৬.৩০ঘ.